

Shankar Mahadevan, Chorus**"Ek Samay Ki Baat Suno"**

Visit "[Ek Samay Ki Baat Suno](#)" on MotoLyrics.com

ek samay ki baat suno ye baat hai badi puraani
maine tumhaare raaju chaacha se suni thi ye kahaani

ik sher tha ik sherni unke the teen bachche
tum jaise vo shaitaan the lekin
lekin lekin kya paapa
lagte the sabko achhe
chhoti si ik gufa ke andar chhota sa ik ghar tha
unke jeevan mein na koi dukh na koi dar tha
maa ke laadle the vo baap ko jaan se bhi pyaare
hanste gaate mauj udaate mil ke rahate the saare
la la la

kya hua paapa bolo na
honi ne jaal bichaaya vahaan ek shikaari aaya
vo sherni saamne aai usne bandook chalayi
vo sherni ghaayal ho gai chillai tadpi so gayi
usne phir aankh na kholi seene mein lagi thi goli
lekin vo marte marte ye kah gayi chalte chalte
mere saathi mere sajna in bachhon ko pyaar se rakhna
tum baap ho bhool na jaana maa ka bhi farz nibhaana
he baap bhala kya jaane maa kya hoti hai
bachhon ke sang kaise hansati kaise roti hai
usane bhi yuun hansana rona seekh liya
bachchon ke sang jaagna sona seekh liya
samay ruka phir dheere dheere chalne laga
man ka ghaav dheere dheere bharne laga
baap ki ungli thaam ke bachche chalne lage
maan ke badle baap ki god mein palne lage
saal maheene mausam aane jaane lage
sher ke bachche phir se hansne gaane lage

baaki kahaani kal chalo bachhon abhi so jaao
oh nahi paapa nahi paapa please
abhi sunaao na paapa please abhi abhi
achha baaba to suno

o raahul o rohit o raani suno aage ab ye kahaani
pada unpe phir gam ka saaya vahaan ek babbar sher
aaya
vo gurraaya chinghaada aise ke kha jaayega sabko

jaise
vo bachhe to bas dar ke bhaage magar aa gaya baap
aage
shuru ho gaya ek dangal laga kaanpane saara jungle
darakton pe ja baithe bandar chhupe saap bhi bil ke
andar
kaheen ud gaye sab kabootar chadhe bhaalu parabat
ke upar
lage bhaagne dar ke haathi na tha sher ka koi saathi
hui khoob jam ke ladaai babbar ne bahut maar khaayi

to bachchon ne taali bajaai

Visit [Shankar Mahadevan, Chorus](#) page on MotoLyrics.com, to get more lyrics and videos.

[MotoLyrics.com](#) | Lyrics, music videos, artist biographies, releases and more.